



**Акафист
Пресвятой Богородице
пред иконой
Божией Матери
«Казанская»**



Иеромонах Никодим (Шматько)

**Акафист иконе Божией
Матери «Казанская»**

«Автор»

2026

(Шматько) И.

Акафист иконе Божией Матери «Казанская» / И. (Шматько) —
«Автор», 2026

Акафист Пресвятой Богородице в честь Ее иконы «Казанская» - хвалебное молитвословие, обращенное к одному из самых почитаемых на Руси образов Божией Матери. Казанская икона традиционно связана с покровом и заступничеством, к ней издавна обращаются в молитве о семье, детях, помощи в трудных обстоятельствах и укреплении веры. Издание «ПравЖизнь» подготовлено для тех, кто чтит этот образ и хочет иметь полный, удобный для чтения текст акафиста всегда под рукой. Акафист - «неседальное пение», читается стоя, келейно дома или соборно, особенно в дни празднования иконы.

© (Шматько) И., 2026

© Автор, 2026

Содержание

ЧУДО ГРАДА КАЗАНИ!	5
АКАФИСТ ПРЕД ИКОНОЙ ПРЕСВЯТОЙ БОГОРОДИЦЫ ИМЕНУЕМОЙ «КАЗАНСКАЯ»	7
Тропарь, глас 4	8
Величание	9
Кондак 1	10
Икос 1	11
Кондак 2	12
Икос 2	13
Кондак 3	14
Икос 3	15
Кондак 4	16
Аллилуйя. Икос 4	17
Кондак 5	18
Икос 5	19
Кондак 6	20
Икос 6	21
Кондак 7	22
Икос 7	23
Кондак 8	24
Икос 8	25
Кондак 9	26
Икос 9	27
Кондак 10	28
Икос 10	29
Кондак 11	30
Икос 11	31
Кондак 12	32
Конец ознакомительного фрагмента.	33

Иеромонах Никодим (Шматько)

Акафист иконе Божией Матери «Казанская»

ЧУДО ГРАДА КАЗАНИ!

Казанская икона Божьей Матери – почитаемая православными христианами чудотворная икона Богородицы. 21 июля – день Казанской иконы Божией Матери. 1579 год. Белое немилосердно палящее солнце, пыль столбом по дорогам Казани. Пыль и пепел от недавнего пожара – неделю назад здесь полыхал страшный пожар. Начался он около церкви Николы, перекинулся на Кремль Казанский. Долгие часы полыхало зарево, причитали женщины, плакали дети – а ну как на дома перекинется, что будет?! А многие злорадно посмеивались – где же ваш Бог был, что церковь-то сгорела? Видно, врут все попы ваши – вон полыхало-то как. И что скажешь на это? И ведь правда, многие в те дни в вере своей усомнились – может быть, неугодно Богу, что обращаются ко Христу из ислама? «Вера Христова, — говорит летописец, — делалась притчею и поруганием»... В том огне остались без крова многие семьи, но – делать нечего, никто сгоревшего не вернет, а строить надо скоро – к зиме успеть. Спешил с постройкой в числе прочих погорельцев и стрелец Даниил Онучин. У Даниила была дочка Матрона. Ей родительские скорби были меньше понятны – для детей и пожар – вполне забавно – столько всего остается после – где стеклышко красивое, где камешек невиданный. Только к вечеру, когда спать ложиться, вспоминается, что после пожара все не так, непривычно. Одной ночью Матреша проснулась от невиданного – явилась ей во сне Сама Матерь Божия – Пресвятая Богородица. И не просто явилась, а повелела Свою икону из-под земли достать. Осияла светом ярким – и проснулась девочка. Все-то у вас сны, да видения, все-то вам мерещится, все чудеса у вас нескончаемые – скажет скептик, читающий эти строки. И предвосхитит наш рассказ, ведь именно так девятилетней Матреше и ответили домашние. «Сны бывают иногда от Бога, но видения только святым бывают, так что лучше снам значения не придавать», — сказали родители. И были правы. Только все же сон тот был видением, ведь повторился он во второй раз и на третью ночь. Тогда родители решили проверить слова девочки. Матреша с матерью отправились на то место, где, как помнила девочка из сна, должна была находиться икона. Начали копать. Еще глубже, еще – неужели она! И точно – икона Пресвятой Богородицы. Очистили ее от пыли, земли.. Но как же она там оказалась? Видимо, еще давно тайные исповедники христианства в иноверческом стане так спрятали икону Царицы Небесной. Весть о чудесном обретении иконы пронеслась быстрее, чем самая быстрая птица, и вот уже к этому дивному месту спешат священники окрестных храмов, архиепископ Иеремия, благоговейно принимая икону, торжественно переносит ее в храм свт. Николая, откуда, после молебна, перенесли ее с Крестным ходом в Благовещенский собор — первый православный храм города Казани, воздвигнутый Иоанном Грозным. Сразу стало ясно, что икона чудотворная – уже во время крестного хода обрели зрение два казанских слепца. Мы даже знаем их имена: Иосиф и Никита. И те, кто еще несколько дней назад насмехался над православной верой, смущенно спешили к иконе – с просьбами – Царица Небесная, помоги, вразуми, исцели! Эти чудеса стали первыми в длинном списке чудес и исцелений. История обретения иконы так поразила царя Ивана Грозного, что он повелел воздвигнуть Казанский собор и основать женский монастырь. Там спустя некоторое время приняли монашеский постриг Матрона и ее мама. Образ Казанской Пресвятой Богородицы по типу относится к иконам Одигитрия – Путеводительница, и действительно, многим нашим соотечественникам она не раз указывала

верный путь. Так, с Казанской иконой двинулось на Москву ополчение, освободившее город от самозванцев Смутного времени. В осажденном Кремле находился в то время в плену прибывший из Греции, тяжело больной от потрясений и переживаний архиепископ Элассонский Арсений (впоследствии архиепископ Суздальский; † 1626; 13 апреля). Ночью келья святителя Арсения вдруг озарилась Божественным светом, он увидел Преподобного Сергия Радонежского (память 5 июля и 25 сентября), который сказал: «Арсений, наши молитвы услышаны; предстательством Богородицы суд Божий об Отечестве преложен на милость; завтра Москва будет в руках осаждающих и Россия спасена». На следующий день был освобожден Китайгород, через 2 дня Кремль.

Пресвятая Богородице, спаси и помилуй нас !

АКАФИСТ ПРЕД ИКОНОЙ ПРЕСВЯТОЙ БОГОРОДИЦЫ ИМЕНУЕМОЙ «КАЗАНСКАЯ»

Дни памяти: 8/21 июля, 22 октября/4 ноября

Тропарь, глас 4

Заступнице усердная, / Мати Господа Вышняго, / за всех молиши Сына Твоего Христа
Бога нашего, / и всем твориши спастися, / в державный Твой покров прибегающим. / Всех нас
заступи, о Госпоже Царице и Владычице, / иже в напастех и в скорбех, и в болезнях обремененных
грехи многими, / предстоящих и молящихся Тебе умиленною душею / и сокрушенным
сердцем, / пред пречистым Твоим образом со слезами, / и не возвратно надежду имущих на
Тя, / избавления всех зол, / всем полезная даруй, / и вся спаси, Богородице Дево: // Ты бо еси
Божественный покров рабom Твоим.

Величание

Величаем Тя, / Пресвятая Дево, / и чтим образ Твой святой, / от негоже истекает благодатная помощь // всем, с верою притекающим к нему.

Кондак 1

Избранной от всех родов Заступнице рода христианского, покровом Своея благости покрывающей страну нашу православную, благодарственная пения приносим Ти, Богородице, о явлении чудная Твоя иконы. Ты же, яко Всемиловитая, всех притекающих к Тебе Помощнице, заступай нас во всех скорбех и нуждах, бедах и напастех, да зовем Ти: Радуйся, Заступнице усердная рода христианского Святой Руси.

Икос 1

Ангел предстатель послан бысть рещи Богородице «Радуйся», егда Бог Слово воплощавшеся во утробе Ея: и мы, грешнии, прославляюще явление чудная Ея иконы и Божественного Младенца Спаса Христа, со умилением вопием Благодатней: Радуйся, Богоизбранная Отроковице; Радуйся, Мати Божия; Радуйся, Царице Небесе и земли; Радуйся, светлое Церкви Небесныя и земныя украшение. Радуйся, Ангелы чтимая; Радуйся, певаемая от Серафим; Радуйся, светлое пророческое сбытие; Радуйся, апостолов похвало. Радуйся, мученическое исповедание; Радуйся, преподобных венче;

Радуйся, праведных веселие; Радуйся, грешных упование. Радуйся, Заступнице усердная рода христианского Святой Руси.

Кондак 2

Видящи, Всенепорочная, с высоты Небеснаго жилища Своего, идеже с Сыном Твоим в славе пребываеши, скорбь рабов Твоих в новопросвещенном граде, яко гневнаго ради Божия посещения вера Христова поругаема бывает агарянским зловерием, благоволила еси явити икону Свою, чудесы ю прославляющи, да утверждаемии знаменьи Твояе благодати, христолюбивии людие верно вопиют Богу: Аллилуйя.

Икос 2

Разумение трикратного явления Богоматере мудрая отроковица ищущи, тече ко властем, поведаящи им дивное явление и грозное прещение: мы же дивящися свыше данному отроковице вразумлению, благоговейно вопием к Препоблагословенней: Радуйся, устнами чистыми хвалу Богу совершающая; Радуйся, тайны благодати Божия верным открывающая. Радуйся, неверных сумнительное слышание; Радуйся, верных известная похвало. Радуйся, молние, неверных устрашающая; Радуйся, славою чудес Твоих верных разум озаряющая. Радуйся, агарянского зловерия обличение; Радуйся, гордыни их низложение. Радуйся, веры христианския утверждение; Радуйся, почитания святых икон освящение. Радуйся, скорбь нашу в радость претворяющая; Радуйся, несумненною надеждою нас увеселяющая.

Радуйся, Заступнице усердная рода христианскаго Святой Руси.

Кондак 3

Сила Вышняго благодатию Богоматере умудри и укрепи отроковицу к исканию многоценнаго Божия дара, и та, с верою дерзаючи о Господе, приступи к труду и, скрытое в земли обретши сокровище святыя иконы Богоматери, радостно возопи к Богу: Аллилуйя.

Икос 3

Имеючи благоутробное промышление о новопросвещенных людех града Казани, от пречестныя Твоя иконы токи чудес источила еси, Владычице, слепым телесныма очима зрение подавающи, омраченных же душевно светом богопознания и благочестия озаряющи, девствующим под осенением Твоя иконы пристанище небурное дарующи. Сего ради зовем Ти: Радуйся, явлением иконы Твоя тьму лютых обстояний отгоняющая; Радуйся, лучами чудес всех просвещающая. Радуйся, слепых прозрение; Радуйся, омраченных смыслом просвещение. Радуйся, славо Православия; Радуйся, тихое пристанище ищущих спасения. Радуйся, Мати целомудрия; Радуйся, покрове и ограждение девства. Радуйся, Еюже ликовствует все множество верных; Радуйся, Еяже ради рыдает демонское полчище. Радуйся, всех христиан вожденная Помощнице; Радуйся, всех скорбящих Радосте. Радуйся, Заступнице усердная рода христианскаго Святой Руси.

Кондак 4

Бурю смятений и крамолы врагами воздвигнутую в стране нашей утолити тщащся блаженный Ермоген, писатель чудес Твоя, Богомати, иконы, слезно пред нею молящися и, видево, яко воинству православному в щит и победное знамение Твоя икона даровася, верою укрепляемый до конца живота своего, вопияше Богу:

Аллилуйя. Икос 4

Слышавше православнии воины откровенную Преподобным Сергием святителю Арсению тайну, яко предстательством Богоматере суд об Отечестве нашем преложен на милость, икону Богоматерню, яко знамя победное, примимше, исхитиша мать градов русских из рук супостат и возопиша Заступнице христиан: Радуйся, Мати Бога Вышняго; Радуйся, яко за всех молиши Сына Твоего, Христа Бога нашего. Радуйся, яко всем твориши спастися в державный Твой покров прибегающим; Радуйся, Заступнице всех сущих в скорбех и болезнях. Радуйся, всем молящимся сокрушенным сердцем пред пречистым Твоим образом полезная дарующая; Радуйся, избавление зол всем, невозвратно надежду имущим на Тя. Радуйся, тихое и доброе пристанище; Радуйся, скорая Помощнице. Радуйся, готовый и теплый покрове спасения; Радуйся, источающая нам неоскудная милости. Радуйся, предваряющая на помощь; Радуйся, избавляющая от всех бед.

Радуйся, Заступнице усердная рода христианского Святой Руси.

Кондак 5

Боготечная звезда явися Твоя, Богомати, икона, всю страну Российскую обтекающая, лучами чудес Твоих осиявающая всех блуждающих по морю страстного жития, мрак печалей и мглу всяких недугов и скорбей прогоняющая и наставляющая на путь спасения с верою к Тебе притекающих и вопиющих к Богу: Аллилуйя.

Икос 5

Видев царь Петр, яко от святых иконы Богоматери благодатию Божиею содеваются многия чудеса, приемлет ю в путеводительницу воинству своему и в день брани на шведов в щит и покров, и победив до конца врага с помощью Богоматере, тем камень совершенный во основание новаго царствующаго града положи, икону же Твою чудную, яко освящение, яко щит и ограждение, в сердце града постави. Сего ради вопием Пречистой: Радуйся, жилище и доме Христа Бога нашего; Радуйся, вместилище неизреченных Его славы. Радуйся, граде одушевленный, присно царствующий; Радуйся, палато преукрашенная. Радуйся, Радосте градов и весей; Радуйся, непобедимое христиан в бедах хранилище и предградие. Радуйся, Церкви Православныя похвало; Радуйся, Русской земли утверждение. Радуйся, христолюбиваго воинства Помощнице; Радуйся, врагов одоление. Радуйся, от бед избавление;

Радуйся, Матерними Твоими щедротами всех посещающая. Радуйся, Заступнице усердная рода христианскаго Святой Руси.

Кондак 6

Предстояще пред пречистым Твоим образом архиереев сословии и вси людие, монаси и мирстии, проповедуют, Госпоже Богородительнице, великия Твоя милости, яко грады ограждаеши, обители покрываеши, веси защищаеши, и, ведуще Тя воистинну Помощницу сильну и непобедиму, со слезами приносят Ти молитвы, да простреши к Сыну Твоему Богоносныя руки за люди Твоя, во еже избавити нас от всех бед и напастей, да благодарне вопием Богу: Аллилуйя.

Икос 6

Возсиявши просвещение истинное и отгнавши древле лесь агарянскую во новопросвещенней стране Казанской, ныне во всех градах российских светиши светом чудес и милостей: притекающий бо с верою ко Твоей иконе цельбоносней скорбей избавление, недугов исцеление и радости всякия исполнения приемлют, вопиюще Тебе усердно: Радуйся, неисощимый источниче святыни; Радуйся, многотекущая реко Божественныя благодати. Радуйся, грешных с Богом примирение; Радуйся, грехов наших очищение. Радуйся, благочестия Наставнице; Радуйся, в добрых делах утверждение и помощи. Радуйся, добрыя обеты приемлющая; Радуйся, благим намерением способствующая. Радуйся, злыя начинания разрушающая; Радуйся, вражия козни расторгающая. Радуйся, скорая человеком Помощнице;

Радуйся, милость сугубо нам подающая. Радуйся, Заступнице усердная рода христианскаго Святой Руси.

Кондак 7

Хотящу народу православному исповедати милости Преблагословенныя Царицы Неба и земли и по силе благодарственная принести о избавлении его от нашествия иноплемennых, дивному храму, созданному в честь пречудныя иконы, победная в дар принесе, да вси памятующе милость Богоматере, спасшия град сей и страну, выну воспевают Богу благодарными усты: Аллилуиа.

Икос 7

Стольному граду России святая икона Твоя, Богомати, воистинну явися благая Одигитрия, якоже древле Цареграду: к Тебе бо прибегают людие, помощи Твоея на начало пути и дел своих просяще и благодарственная приносяще моления пред пречистою иконою Твоею за избавление от скорбей и напастей, Тебе Помощницу и Заступницу крепкую ведают. Темже благодарственно вопием Ти: Радуйся, Российския страны покрове; Радуйся, Православия в ней ограждение и утверждение. Радуйся, несокрушимый щите воинов наших; Радуйся, броне их неуязвимая. Радуйся, козни врагов обличающая; Радуйся, яко паучину их растерзающая. Радуйся, нечестия обличение; Радуйся, крамолы разрушение. Радуйся, юных от заблуждений исправление; Радуйся, старцев утешение. Радуйся, душевредных учений низложение;

Радуйся, душеполезных знаний дарование. Радуйся, Заступнице усердная рода христианского Святой Руси.

Кондак 8

Странно и сумнительно неверующим слушати, како от иконы Твоея токи благодати истекают, воня животная благоухает: мы же, верующе слову, реченному Тобой, Владычице, к первоначерченной иконе: «С тобой Моя благодать и сила», уповаем, яко и с сею иконою благодать Твоя выну: темже благоговейно предстояще лобызаем ю, поклоняемся ей, яко Тебе Самей сущей, честь бо иконы на первообразное восходит, и Твоя благодать сею иконою знамения и чудеса содевает всем с верою притекающим к Тебе и вопиющим Богу: Аллилуйя.

Икос 8

Вся бывши горе, к Небесным взята, и земных не оставляеши, Богомати, священным Твоим предстательством: имаши бо матернее дерзновение ко Христу Богу нашему. Темже утверди в мире глубоче православных житие и вся полезная всегда даруй рабом Твоим, да величающе воспеваем Ти: Радуйся, Невместимаго вместилище; Радуйся, осененная силою Вышняго. Радуйся, прозябшая Клас Небесный; Радуйся, мир весь душепагубного глада избавляшая. Радуйся, выну ходатайствующая за род наш; Радуйся, яко много может молитва Твоя пред Сыном Твоим и Богом. Радуйся, всех нас при Кресте Сына Твоего усыновившая; Радуйся, всегда Матернюю любовь к нам являющая. Радуйся, Ходатаице вечных благ; Радуйся, и во временней жизни полезная нам подающая.

Радуйся, известное прибежище наше во всех скорбных обстояниях; Радуйся, несомненное утешение в печалех. Радуйся, Заступнице усердная рода христианского Святой Руси.

Кондак 9

Всякаго естества ангельскаго превышшая явилася еси, Пресвятая Дево: Бога бо зачала еси плотию, Невместимаго всеми вместила еси во утробе Твоей, на руках носила еси Носящаго весь мир дланию: темже, яко Честнейшую Херувим и Славнейшую без сравнения Серафим величающе Тя, вопием о Тебе Богу: Аллилуйя.

Икос 9

Вития многовещанная, яко рыбы безгласная, видим о Тебе, Богородице: недоумет бо всяк язык благохвалити Тя по достоянию, изумевает ум пети Тя, Богородице; обаче Благая сущи, прими и от нас архангельский глас, Тебе вопиющих: Радуйся, Благодатная; Радуйся, яко Господь с Тобою. Радуйся, Благословенная в женах; Радуйся, обретшая благодать у Бога. Радуйся, родившая Спасителя миру; Радуйся, Мати Сына Божия. Радуйся, Родительнице Вечнаго Царя; Радуйся, израстившая нам плод живота. Радуйся, освященная Духом Святым; Радуйся, осененная силою Всевышняго. Радуйся, верная Рабо Господня; Радуйся, яко Тя блажат вси роди. Радуйся, Заступнице усердная рода христианскаго Святой Руси.

Кондак 10

Спасти хотящи многия от находящих зол, скорбей и болезней, чудную икону Твою, Богомати, даровала еси, еяже ради слепии прозирают, хромии ходят, разслабленнии возстают, беснующиися исцеляются, земли плодоносие подается, людие от смертоносныя язвы избавляются, грады и дома от огня спасаются: темже прославляюще Бога, дающаго нам таковыя милости, вопием Ему усердно: Аллилуйя.

Икос 10

Стена еси, Богородице, стране Российстей, градом ограждение и слава, православному воинству на враги укрепление. Темже, благодаряще Тя, вопием: Радуйся, прославляющих Тя прославляющая; Радуйся, не чтущих Тя посрамляющая. Радуйся, врагов устрашение; Радуйся, от нашествия иноплемennых избавление. Радуйся, воинов крепосте; Радуйся, в дни брани забрало и ограждение. Радуйся, в дни мира живоносный саде, увеселяющий с ердца верных; Радуйся, оружие, егоже трепещут демони. Радуйся, спасительный елей, умащающий греховныя раны кающихся; Радуйся, теплое наше упование. Радуйся, несумненная наша Надеждо; Радуйся, тихое и доброе пристанище. Радуйся, Заступнице усердная рода христианскаго.

Кондак 11

Пение хвалебное и благодарственное приносят Тебе, Владычице, припадающе ко иконе Твоей и любезно лобызающе ю, дев лица, под державным покровом Твоим тихое и мирное иноческое житие провождающи, и возложивше на Тя все упование, радостно вопиют Богу: Аллилуйя.

Икос 11

Яко светоприемную свещу, зрим Твою честную икону, Пресвятая Владычице: та бо невестественный огонь благодати Твоея восприемши, и в подобиих ея новы возжигает светильники, причастны тояжде силы благодатныя, и озаряет чудесы, наставляющи на путь спасения всех вопиющих Ти сице: Радуйся, Невесто Невестная; радуйся, Богоизбранная Отроковице, Мати Дево. Радуйся, добрая Наставнице непорочного девства; Радуйся, Хранительнице ревнующих о чистоте. Радуйся, жен похвало; Радуйся, дев величание. Радуйся, вдов заступление; Радуйся, сирот призрение. Радуйся, нищих Питательнице; Радуйся, нагих одеяние. Радуйся, печальных утешение; Радуйся, скорбящих веселие. Радуйся, Заступнице усердная рода христианского Святой Руси.

Кондак 12

Благодать дати восхотевши почитающим Тя с любовью, Богородительнице, присущую Ти силу благодатную оставила еси во святых Твоих иконах, ибо Божественная благодать, спребы-
ваючи тем (иконам), знамения и чудеса выну содевает и душевных и телесных недуг исцеление
всем с верою приходящим подает Твоими Богоматерними непрестанными к Богу молитвами
о вопиющих Ему: Аллилуйя.

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.